

四庫全書

集部

欽定四庫全書

集部

粵西詩載卷二十四

詳校官庶吉士臣瑚圖禮

主事銜臣徐以坤覆勘

總校官庶吉士臣朱鈔

校對官庶吉士臣吳裕德

謄錄監生臣徐彩

欽定四庫全書

粵西詩載卷二十四

桂林府通判汪森編

七言絕句

送林仲穎赴馬平

鄭善夫

東浮淮海三千水  
南過羅浮四百峰  
知爾欲尋勾漏令  
會看雞犬白雲中

送人之鬱林二首

蒼梧之峰雲萬盤  
下控牂牁連百蠻  
莫道蠻方非近地  
日南南是漢關山

鬱林東下對扶桑  
黑霧沉山日暈黃  
鷓鴣啼上枕椰樹  
一寸鄉心萬里長

南溪古渡

懷集

李瀚

西堤楊柳酒帘風  
來者紛紛去莫窮  
記得南河歸路晚  
水邊停騎落霞紅

筆架文峰

雲墨濛濛半未開  
三峰呈秀學宮來也  
知筆架高如許  
定有撐天拄地才

燕嶺樵歌

名利營營奈爾何  
白雲隨擔且高歌  
仙人世應難遇  
莫怕觀碁易爛柯

龍灣漁笛

龍灣聞說有龍藏  
一水波澄鏡面光  
向晚數聲烟外笛  
可能榮辱到漁郎

沙田春雨

春風吹雨徧山溪  
林外催耕不住啼  
豐歉在天勤在我  
穰田何用費豚蹄

石井寒泉

何年神斧斲青冥  
石骨流來一派清  
不為行人濟炎渴  
千秋巢許亦虛名

塔山曉霽

禪林清與塔山清  
况復西風一雨晴  
何物令人發深省

白雲深處一鐘聲

佛燈晚晴

依約禪關入定鐘  
佛前燈火隔疎松  
山僧深夜睡不着  
更借寒光照鉢龍

明山仙鏡

上林

馮德讓

疊翠凝光曜九天  
四時花卉自爭妍  
箇中仙子名盧大  
留得高名萬古傳

思鄰隱跡

卷二十四  
雙鑠鄰翁肯自痴盤桓山澗許多時耕雲釣月痕猶在  
千古令人夢寐思

扶風筆架

天地何年鑄此山奇峰七八聳雲間形如筆架安千古  
多少行人著眼看

鑠鄒劍光

昔年將帥百蠻收泥劍光芒射斗牛剛被行人收拾去  
鑠鄒名起幾千秋



龍潭致雨

一派江流勢若龍  
碧潭雲鎖雨濛濛  
民田萬頃皆饒洽  
不用登臨握太空

馬浦奔雷

江水東流竟不回  
波濤洶湧若奔雷  
當年渴飲將軍騎  
踏破青青萬里苔

澄江浴日

日出扶桑萬里明  
碧天無霧曉雲晴  
波涵光影終朝漾

好景誰云不可情

古淶浮藍

今古滔滔一派流星移物換幾千秋  
拖藍拽綠無窮趣  
漁父西巖自白頭

過橫州弔秦少游二絕句

湛若水

南洲咫尺水盈盈  
水遶南洲洲遶城  
試問海棠香不斷  
城南橋下弔先生

辭章漢魏風同遠  
文翰蘓黃許共能  
對客揮毫還意氣

海棠花下卧烟藤

遠者遠於古也

送蕭元章赴柳州別駕

柳州江上柳千垂  
柳子當年手自培  
到時若見思人樹  
五馬風流別駕追

湘山寺

凌震

平生漫說湘山錄  
今日湘山寺裏行  
是否茫茫何處問  
祇應偶合久知名

送郭太史勿齋使廣西

夏言

玉堂使者下鸞坡  
桂水灘江今不波  
明到南藩開帝勅  
百蠻齊唱太平歌

答毛東塘

瘴雨蠻烟萬里開  
海邦民物覩春臺  
不須更立分茅柱  
重譯今看入貢來

贈陳思慎守上思州

鳳凰山勢入龍州  
曲曲明江繞郡流  
莫聽啼猿驚絕域  
伏波銅柱壯千秋

別王通判罷官還柳州

使君節操如冰玉不媿靈峰與葛溪  
春日送君溪水上相思遙隔楚岡西

七年惠政書難盡滿耳惟聞慈母名  
聖主勞心重民牧野翁揮涕送君行

謁伏波祠

陳大獲

烏蠻灘上伏波祠公昔征蠻此駐師  
聞說交人見銅柱至今猶怯漢旌旗

潯州白石山

楊子春

曉軒沈瀝夕餐霞更挽天漿  
曠月華日午道人猶未起  
香風吹老古松花

藤江

李全善

桃花春盡雨聲中洶湧波濤  
浪拍空鷗鳥不知江遠近  
往來相趁白頭翁

慶遠北山

劉裴

當年回首爛柯山世態消磨  
一局間陸叟已仙杪尚在

洞門深鎖白雲閒

送季藩太守赴河池州

朱 夜

重華奚自蒼梧狩，龔遂何能渤海牛。  
一綰郡章并二美，可教五馬去淹留。

同程松谿遊水井寺八首

潘 恩

水井寺道中

小坐肩輿歷翠微，雲光搖曳上春衣。  
忽看墜葉從風舉，疑是山頭秋燕飛。

謁韓襄毅祠

韓祠突兀江之干  
江風瀏瀏江水寒  
漫采蘋香薦幽思  
恍如紛乘翔雲端

呂仙祠

羽翼高飛控九關  
遨遊白日下塵寰  
西風一劒雲歸洞  
祇有天聲落樹間

冰井亭

靈泉誰鑿當年井  
勝地猶傳漫叟名  
日暮懷人空徙倚



寒花繚戾野雲生

飛翠亭松谿携酒至

方渠水碧斜侵檻古木根橫曲抱臺  
况有瓊卮傳竹葉  
坐看飛翠襲莓苔

拱日亭

越水燕山萬里長高亭徙倚永相望  
欲知遊子懸情處  
為識葵心仰帝王

東湖書院

雲深不見尚書履  
院古空遺綠野詩  
駐馬那堪回首望  
寒風蕭瑟助予思

先月欄

亭側清波春渺茫  
天中玉兔夜生光  
何當假翼扶搖外  
喚取仙娥搗藥嘗

題普濟橋

吳赴

路遠平田水遠堤  
草蟲晴戲野禽啼  
石橋斜日林塘晚  
絕似肩輿過竹溪

過官塘

四野陰霾一夜清  
風花烟柳報新晴  
橫塘渺渺倉庾急  
黃犢家家帶雨耕

桃花水

李科

桃花水口帶扶桑  
千樹晴霞映水光  
聞道郎官似潘岳  
只疑懷集是河陽

拱日亭

程大德

一尊更上孤亭酌  
萬里同懸拱日心  
莫道浮雲能久蔽

從來天際有餘陰

初至蒼梧二首

萬里蒼梧雲水深瘴烟籠日晝常陰江南有客何緣到  
自是當年弧矢心

蒼梧自合棲丹鳳凡鳥何緣亦此來回首五雲天正北  
校書曾上鳳凰臺

嶺表書院諭諸生

陶諧

星河欲午初醒地旦晝須防作用戕試看梧山山上木

可容斤斧與牛羊

射石曾聞能沒羽  
奕碁猶戒欲援弓  
莫憑筆硯窮文字  
箇裏機關要解通

送沈仲文僉憲廣西二首

黃姬水

霜簡炎州遠  
戒驂龍城天上  
擁峰嵐長江西去幾千里  
行盡瀟湘更向南

由來教蜀有文翁  
史事經生本自同  
會見熨僮迎法駕  
誰云象卉隔皇風

昭平舟中答梧守

許應元

留歡自緩尚書期數聚從他太史知  
故人有酒不教醉何處相逢是醉時

從來樗散合滄洲詎薄當年萬戶侯  
為問茂宏勤略後幾時却上泛湖舟

阮駕部廣西調兵至留都

王問

去歲高秋遠調兵瓦家新到秣陵城  
金戈鐵馬雲間出萬里鵬沙一日平

虎艦橫江會十連靈旗獵獵鼓聞聞已沉鐵鎖環滄海  
更遣飛狼下日邊

永福道中

謝少南

秋日登塗菊朵新忙中歲月客中身歸來蠻鼓村村發  
道迂湘南歲底春

府江雜言

蠻烟不雨似雲濃白日陰陰慘澹中炎氣薰人冬亦煖  
不知何地候春風

石灘激浪殷成雷，輕舸飄飄曲折開。  
水樓達舍橫矛立，山洞搖人負弩回。

冬炎卉木未蕭條，暫倚蓬窓旅况銷。  
樹架綠垂君子蔓，崖林紅破美人蕉。

水落荒洲近客船，彎環苦竹劇鈎連。  
風雷不到崖前木，鼠穴多岐有歲年。

隘口分弓號擺灘，領班人戴白鷗冠。  
莫言南徼無冰雪，映日戈明水帳寒。



落日官軍舉號齊  
凋戈畫盾障山谿  
不嫌銅斗通宵擊  
却厭班雞半嶺啼

堪驚節候與時違  
短晷猶能駐暖暉  
臘月採花爭自發  
冬天江燕亦違飛

柳江逢漲

桂灘如帶支流少  
一夕漲生江遽渾  
夜來天末見掣電  
定有狂歌闢海門

迥風濁浪迎船立  
雲脚浸江無四涯  
懸崖古藤漫須引

截竹長篙空爾為

孤舟恰遇懷襄日  
嶺樹蝨綠曲曲過  
頗擬橫枝頻剪伐  
不知刊木定如何

柳江見石石可數  
俄漲汙流如鏡昏  
疑是黃河驟南徙  
桂陽西去不通源

往時臨岸觀江漲  
今日沿洄意頗殊  
賴是風波驚自慣  
不隨舟子漫嗟吁

南寧臺中見梅

已驅行旆復遲留  
風定香沉院轉幽  
不覺對花生朔氣  
却疑飛雪到炎州

再過柳江

一歲烟江兩度航  
炎風寒雨送流光  
篷窓怕見澄波影  
偏照行人鬢裏霜

右江舟中二首

錢 薇

萬里風霜粵嶠邊  
還驚觸暑瘴江烟  
語音舉目渾無解  
惆悵吳雲看遠天

全宋文卷之八十二  
卷二十四  
旅泊天南已自憐，况堪多病更年年。  
閒鷗飛向橫塘晚，羨爾忘機自在緣。

灘江偶成二首

深淺澄潭水不平，輕舟觸險未須驚。  
人心自有羊腸路，莫漫相猜谿上行。

年來塵迹似飄蓬，夾岸青山到處同。  
滿前雲物皆春意，却在扁舟自在中。

書山棗驛二首

淒雨剛風山路艱  
白雲滿徑竹蒼然  
平生不作韶華想  
日接冰霜意總便

粵嶠相迎接楚山  
盤雲無際萬松間  
鶴聲啞啞翔空外  
總在乾坤心自閒

題高梧棲鳳卷  
冒君宰梧州  
屬邑梧人擬之  
鳳繪  
圖集題漫賦二絕歸之  
孫陞

綵翮遙從碧漢翔  
雲搏干仞下梧桐  
啞啞聲向朝陽發  
始識人間有鳳凰

金定四八全言  
卷二十四  
九苞靈瑞結成姿五色文章絢作衣  
仙質娉婷異凡鳥  
從知不戀稻粱肥

入廣登山角驛樓

呂希周

灑水灑山興不同白雲晴日對秋風  
山樓徙倚長空靜  
全楚雄圖指顧中

宿松風亭道六洞諸山疊舊韻二首

松風萬壑響秋深燭燭明星夜未沉  
遊子披衣成獨坐  
寒蟿無數起階陰

岑峯山勢控高深，道勝誰能自陸沉。  
遙憶征夫來萬里，亂峰雙杵急秋陰。

靈川夜馳寄謝張總兵

寒月高高草露濃，纖雲不動避霜風。  
戎蠻戢戢私相語，誰許嫖姚奏上功。

林刺史柳山言別

獵獵寒飈向暮征，柳山尊酒對愁傾。  
慙慙回首全州路，衰草和烟不盡情。

答李侍御惟貞時方按柳州

王世貞

瘴色驚霜一馬馳  
故人誰似李端公  
柳州垂柳應無數  
心在襄西落木中

鄖嶺春初雪不殘  
柳江風物已堪觀  
莫言嶺表無他寄  
蕉寔能黃荔子丹

送人解官還嶺西

顧可久

深林大谷老君巖  
江海風濤此解帆  
自有雲霞共媮樂  
徙居何用覓彭咸



聞張羽王調為王官乃投簪還桂林為賦一絕

沈明臣

九谿驅馳路轉賒左官今更下長沙拂衣歸去輕如葉  
雲白蒼梧萬里家

題伏波廟壁

翁溥

功成士死萬艘沉貝錦誰明惹苴心千載南中舊時笛  
至今猶怨武谿深

贈呼總戎鎮廣右

王應鐘

金史紀事本末卷二十四  
鯨魚萬里海天清六寨年來漸息兵  
聖主不教閒老將  
黃金別勅付西征

擬金伐鼓御轅門  
捲甲輕馳向賊屯  
大似武襄張宴夜  
潛師已報奪崑崙

柳州二月榕葉盡落偶題

陳贄

山城春盡意淒淒  
迢遞秦關望去迷  
雨後滿庭榕葉落  
不堪時聽越禽啼

蠻中

蠻溪雨過葉皆流  
落日猩猩啼樹頭  
高竹亂藤茅屋小  
不知村落屬何州

過燕石

陳紹功

當年飛燕化為石  
千古烏衣迹不磨  
知爾炎涼無異態  
拂雲終日照青波

題潯郡圓卧齋

堂叅罷設景蕭疎  
日費公家五斗儲  
將母不求甘旨奉  
親栽隙地有佳蔬

閉戶翛然不看書  
朝來彈鋏食無魚  
呼童且共灌園去  
不著衣冠即野夫

郡齋半畝即花田  
烟雨來時翠色鮮  
更有清香數滿座  
寧須睡鴨噴沉烟

手栽花木滿欄干  
山鳥偷窺下羽翰  
解得此時同樂意  
留芳更與後人傳

送唐太守令子元殊還桂林  
李堅

桂林西望隔長沙  
獨秀峰前是子家  
老我舊遊情眷眷

每思巖洞曉棲霞

青山雜興十首

董傳策

春風迷目渺蕪葭村落飄零感物華  
試聽老農愁向說  
頻年烽火調狼家

古城縹緲射晴濠  
經略當年走智高  
戎醜祇今愁絕徼  
可堪赤子困錐刀

紈袴驕子攤牙旗  
狂寇生惺卧不知  
追截恨令奇計失

羈人中夜撫長髯

辛酉  
秋事

點首供帳擬沉官達舍操戈寶藏乾詭射熟搖愁絕甲

軍儲接濟右江難

邕人因此

開拓功成兩伏波南天不改漢山河幽栖博得春如許

漫倚孤亭賡九歌

馬退山橫郭背豪茅亭曾記柳儀曹白雲屏落青峰障

自媿無才僕命騷

馬退山名柳子有茅亭記

萬疊晴烟客望孤鶯花懶逐世情娛振衣却上雲深處

直北依微是帝都

玄豹深藏澤霧寒巖颺歷落罩層湍就中應有天書在

聞說皇華訪道難

詔遣兩御  
史訪丹書

閩南百萬沒妖氛多難誰憐興化軍皇極即今籌一統

願持金鑑獻明君

時聞閩寇破興化  
城朝廷方新三殿

雲落澄江魚埠津春深丙穴正愁人洞天怕有漁郎問  
散髮扁舟掣釣綸

### 食苦瓜

東山戍憶敦瓜苦南徼瓜嘗苦味嚴涼頰頰回炎海夢

却憐遷客久忘甜

訪客啜檳榔

急脚蠻奴髻半斜客來提榼手雙叉檳榔擎出斑斕片

灰白萋青當獻茶

邕人以青萋葉白灰和檳榔啜之客至盛榼以獻謂之代茶

啜王皮果

碧樹離離金彈垂膏凝甘露嚼來奇木奴秋色珍如許  
那似香飄溽暑枝

寄橄欖



波斯薦翠味回甘嶺樹秋高拂瘴嵐記得吳都曾有賦

錫甌密緘到江南

邕橄欖最佳名波斯種法用錫甌包之雖寄遠不損

詠蕉子

蕉子垂垂結陣黃綠枝風扇迴凝香生憎膏膩甜於密  
消得幽人在異鄉

啜荔枝二首

鐵幹婆娑落子紅方苞剝出水晶籠炎荒正惹長卿渴  
却啜瓊漿半洗空

南風醺落出牆枝  
丹渥羅囊玉露披  
博得風流瘦吟骨  
蘓郎曾寫黑猿詩

觀音蕉

蕉樹從來葉扇青  
却擎丹萼大於餅  
觀音禪性元貞靜  
那得猩猩染數層

了哥

籠裏清音奈若何  
玄衣朱吻慧無過  
秦樓鸚鵡休相妒  
瘴煖聲聲叫了哥

人面子

翠裏團囊顏帶酖箇中甘味夾酸澗只綠人面看來好  
支膝秋風却睡魔

奶頭菓

流火輝輝樹欲垂青林披落絳囊竒趣虛擔却行娘瘦

好採枝頭哺乳兒

邕人謂市為虛諸村婦  
荷擔入市謂之趁虛

九層皮

栗怯香滋薯怯竒蒸來皮裏裏層皮饒君露底元無膏

怪得包藏肉太肥

水泡果

花放金絲香裊林彈垂  
鬆穰栲拋心南人不識  
林檎味却認池邊水泡侵

枸櫞

枸櫞大柚也南中  
多此品乃獨無橙

斗落南林香滿枝  
釀成風致錯尖披  
却消一味吳江夢  
秋壓黃橙勝柚皮

寄曝蕉

曝來紺顆瘦於腸石蜜釀膏罌貯香漫憶秋風半搖落  
頽虬飛出傍江鄉

經海棠書院有懷吳惟修

淮海秦觀瘴海祠風流異代亦堪悲故人幾別橫槎去  
客意淒其漫詠詩

遊鳳凰巖戲題

清時鳳鳥今何處荒徼空留鳳鳥名幾問帝廷儀上瑞  
高山流水自雙清

下南山有木若嵒箕坐眺江偶成一絕

石嵒花作木嵒開脉脉江流半印苔箕踞一枝渾不語  
清風吹徹渡喧來

遊故李員外剡曲池亭

幽園點出數椽虛剡曲風生水竹居亭上狎鷗休綴語

遊心元已失鳶魚

亭名  
狎鷗

唧唧蟲聲閣閣蛙為誰零落為誰譁黃楊厄閏秋無主  
猶遣薰風扇物華

遊吳家莊有懷吳尚書公二首

絕塵孤介鐵肝腸  
園自蒼涼水自香  
塵劫苦磨心不死  
清風偏得世流芳

誰云瘴徼物鍾靈  
人似先生照汗青  
松柏歲寒應不改  
任渠蒲柳望秋零

龍橋古渡

鬱林

鄭元樂

鰲頭浪湧金沙碧  
江國飛虹瑞氣搖  
發洩地靈知有待  
使君題作瑞龍橋

白石洞天

蕭蕭松葉下秋山  
金鼎蟠龍紫霧間  
白石煮來秋欲暮  
不知笙鶴幾時還

甌池春暖

西甌池上蛟龍窟  
龍氣成雲水自波  
蛟龍飛上九天去  
春水茫茫奈若何

鳳嶺秋清

鳳凰嶺上鳳凰棲  
鳳凰飛去嶺雲低  
商飈萬里松濤急



空有芳名天與齊

壺關春色

太平

楊鳳

曲曲山城繞流水  
巍巍雄據百二雉  
壺關別自有乾坤  
生意都從人事美

筆架晴嵐

疊嶂叢中獻奇異  
乾坤秀氣南荒萃  
嵐光時作綵霞紅  
不是巫山雲雨意

青連疊嶂

數里青山如碧落，參差遠近映樓閣。  
連城佳木匪長春，霜雪不經色不惡。

麗水歸龍

逝水滔滔望東注，石龍為砥轉頭顧。  
幾時風雨暗空來，乘此飛騰上雲路。

白雲仙洞

玉洞雲深不知處，瓊花瑤草自芳吐。  
仙人一去不復迴，鬼物煩呵空守護。

綠樹神湫

陰陰夏木覆密葉下有靈泉清且潔泉可浴兮樹可風  
頰襟一洗淨如雪

山寺僧燈

古刹依山地偏頗沙門夜靜無人鎖佛燈漏影出疎櫺  
望遠猶疑鬼放火

石門漁唱

斜日石門明遠郭漁舟點點烟波落數聲欸乃天地寬

寵辱無驚多少樂

南津晚渡

擾擾紅塵行役子  
長途日暮猶未止  
沙頭獨立喚船來  
兩岸青山暝烟起

隴口樵婦

無媒徑路多草石  
妾苦一肩為誰役  
出山撞遇溪邊翁  
放下且談先天易

會仙臺

李廣圃

柯爛仙人久不來  
洞門雲鎖向誰開  
崑花自解知心語  
猶伴天風到石臺

懷集筆架山

黎暹

長虹為筆雲為墨  
盡向三峯筆架來  
午夜東南奎壁見  
始知文運自天開

勾漏山

楊際熙

葛令何曾採藥來  
其如選勝化羅浮  
洞門不鎖霞光迴  
丹竈無烟古木秋

南樓夜飲感興

周邦瑞

夜半孤城百尺臺，亂蛩聲裏一樽開。  
古淥鎖鄒堪淬礪。

智誠飛出白雲來。

智誠乃韋厥隱處羅  
洪乃白雲先生隱處

送王洪陽光祿冊封靖江四首 于慎行

親函玉節到炎洲，萬里名山不厭遊。  
一自輿圖開百粵。

蠻中今列內諸侯。

餘寒馬上試春衣，四月楊花撲面飛。  
行過故園應悵望，荒郊無樹蕨苗稀。

衡陽秋色暮雲深  
湘水南來是桂林  
七十二峰青未了  
刺桐花裏鷓鴣吟

南海西分驛路長  
紅塵飛惹漢宮香  
奚囊自有明珠在  
不帶千金陸賈裝

贈粵帥劉參佐

李維楨

驅除狸獠鎖嚴關  
白羽綸巾幕府閒  
上日馬人麾下拜  
城頭指說伏波山

銅柱天南插漢標  
象胥重譯百蠻朝  
彤弓盧矢承恩日

勾漏尋仙路不遙

釣魚臺

梁允瑤

四尺長竿十尺絲石潭深處白魚肥  
炎荒不到春山雪  
謾著羊裘坐釣磯

大廟峽

梁允玳

羣山聳翠鎖中流古廟陰陰古木秋  
可是地靈關福澤  
香烟潭影日悠悠

道士岩



得道真人去不回  
空餘窟洞向崔嵬  
雀飛兔走懸丹竈  
棲鷗銜巢歲歲來

珠投石

又名諸  
仙石

跨鶴諸仙汗漫遊  
長羊已向石中投  
孟嘗合浦還無術  
象罔當年索未周

雉山谿送王公恒叔往端州

張鳴鳳

莫嗟辛苦更南行  
千里端州是水程  
夾岸林嵐秋掃盡  
枕邊無數碧峰明

江上餞俞羨長

杏花村裏覓餘芳  
彈子溪頭把餞觴  
笑倩美人牽客袂  
莫教流水促分張

上石西州

吳爾施

黃茅為宇竹為門  
斗米肩豚濁酒尊  
欲向此中停信宿  
俄傳交趾掠前村

興處人烟覆短牆  
山多未許牧牛羊  
頽祠蔓草無香火  
惟見殘碑枕夕陽

百萬當年事遠征高標銅柱伏波營受降城下徘徊久  
能得將軍日再生

馬跑相傳舊有泉行人消渴欲流涎  
餅中携得家園茗  
太子亭邊竹火煎

舟經秦渠即景作

俞安期

秦渠曲曲學三巴離立千峰插地斜  
宛轉中間穿水去  
孤舟長繞碧蓮花

初出灑江

桂楫輕舟下粵關  
誰言嶺外客行艱  
高眠翻愛灘江路  
枕底濤聲枕上山

過相思江有懷

水字相思若有神  
湯湯日夜苦南行  
微波欲托江妃夢  
那得東迴過楚城

南溪古渡

懷集

林春茂

綠樹紅樓倒水濱  
懷溪如帶即通津  
驚飛鳥鵲歸來晚  
噪却喧喧趁渡人

筆架文峰

三峰峭列出雲中  
壯麗天開學士宮  
石架筆花含雨潤  
應鍾才俊氣如虹

燕嶺樵歌

白雲不斷出山阿  
樵子生涯逐曉過  
日落平沙人影散  
隔林猶聽擔頭歌

龍灣漁笛

波光瀲灩此龍灣  
野艇魚竿任往還  
蘆笛數聲山月上

世間名利可相關

沙田春雨

漠漠平田事水耕  
滿天花雨到春傾  
新畬何事催田介  
鉅艾奄觀百穀成

石井寒泉

清冽泉源一線通  
不須甃砌自神功  
懷川只在堯封裏  
作息應多擊壤風

塔山曉翠

天勝山前寶剎開  
本來淨土絕塵埃  
乍離苦海何能悟  
月落鐘聲喚醒來

佛燈曉晴

竹外禪關色界空  
青蓮趺坐一燈紅  
在天月色長如水  
共照迷人暗宅中

水月洞吟

蘓濬

雲門忽散芙蓉色  
疊嶂凌烟天咫尺  
流澌隱隱青黛光  
一樽獨對水天碧

洞口桃花紛如雪  
流水湯湯風發發  
冰心一片玉壺中  
欲跨滄洲釣海月

最喜山中更人少  
月落波空昏復曉  
數盃村酒數聲歌  
滿樹東風催啼鳥

蒼梧君子亭漫詠

幾朶田田出水時  
風吹一夜滿瑤池  
主人載酒來相問  
唱徹蓮歌鳥不知

水色蒼蒼上翠微  
獨憐仙子款柴扉  
雲鬢珠履嬌無語



拾得瑤華帶月歸

秋聲何處急悲笳一曲歌殘遍  
落霞獨坐長亭聽不盡  
滿天風雨滴黃花

倚檻秋光散客情樽前波淨  
一身輕寒亭鎖盡白雲色  
留得殘紅聽雨聲

楊柳枝四首送屠博士之嶺南  
王穉登

吳門柳枝青插天枝枝含雨  
葉含烟柳枝空長無丁用  
難繫夫君青雀船

三秋桂嶺猿聲急八月衡陽鴈影疎  
不愁聽猿能下淚只愁無鴈可傳書

嶺南猿聲梅萼齊江南蟬聲柳拂堤  
折梅不如折柳怨聽蟬却似聽猿啼

九疑山前雲霧沉二妃祠下竹森森  
竹枝不及江南柳竹枝淚淺柳枝深

張義姑

葉向高

樓船十萬赴南征一夕星沉漢將營  
見說遺孤三尺在

幾人殉節似程嬰

桃李深閨正及時長教公子怨佳期誰言俠骨非紅粉  
辛苦如存趙氏兒

夜雨寒燈自緜纒空留一線荅勞劬只今彤管新褒在  
千載人間說義姑

紅顏何處掩芳魂朱紱于今重將門猶憶當年淒絕處  
蕭蕭風雨泣王孫

嶺外送客平樂下第

湯顯祖

金史紀事本末卷二十四  
南行三十六灘瀧依舊龍門得化龍別有清湘起愁色  
踏歌人望九疑峰

思州午火

逐客思州一飯沾伏波盤筓見纖纖炎風不遣春銷盡  
二月桃花絳雪鹽

石城送蜀客梧州

春到回龍傍鬱林亂藤烟月送猿吟鶻聲莫更逢三月  
銷盡同鄉九折心

送袁生謁南寧郡

白髮孤遊銅柱西  
瘴來江影似虹霓  
千山落月無人語  
榕樹蕭蕭倒挂啼

送武陵陳判之鬱林

鄉樹秦人隔幾重  
鬱江秋煖衣芙蓉  
參差人面能人語  
怕是猩猩樹底逢

送林貴縣

蒼梧猿斷泣湘君  
人向清潯逗日曛  
直下寶江明月影

能開二十四峰雲

卽事送錢晉明遊西粵歸長興

梅嶺歸來三月三春衣連霧洗昭潭還家恰盡相思苦

少婦迎門說二蠶

玉茗離觴又一年越江初過雨茶烟亦知天繪亭中月  
長照溪頭卷畫船

冲天竈

陳宗袞

怪石哈呀似虎蹲耽耽俯視向黃昏若教李廣當時見

一射還應沒矢痕

白石山泉

楊大節

脉脉源頭何處尋  
石中流出白鳴琴  
多應大士輕敲錫  
留與人間洗寸心

白石紀興

乘興磨崖十八年  
漫將名姓立巖前  
山靈自有生花筆  
倩我狂書塞洞天

富川犀泉

周祈

今下四卷之三  
卷二十四  
蹄涔半畝欲生烟何處靈源語可傳不是南荒投足到  
人間誰信有犀泉

府江紀事八首

管大勳

兩崖轟轟插雲霄峽口轟轟沸海潮春暖龍吟常作雨  
一時妖祲喜全消

夾岸屯兵儼列星樓船原是伏波營空山疊疊旌旗落  
流水灣灣刁斗鳴

雷霹灘前鼉鼓喧柳營岡畔角聲繁維舟烟雨更殘夜



忽聽從軍樂可言

昔時京觀築鯨鯢此際軍容壯虎羅江上揚帆風肅肅  
營中校獵日遲遲

按堡休兵據上游天威無復及南陬白鹽彩鷓時時渡  
急峽高灘穩穩浮

崖端蒙密半誅夸乞食狐狙狡莫施賊穴百年成坦道  
天兵還有盡銷時

一番時雨洗金戈雪浪風濤殺氣多窮島逋狙驚膽落

滿江舟子唱蠻歌

百粵春光異昔年共推儒雅足籌邊  
聖明威德元無外坐使炎荒息瘴烟

濯纓石

區龍禎

澹月微茫江畔行遊人能道濯纓名  
却從逝水東流去空付滄浪一派清

伏波祠

文瑛

柱石奇勳耀日星雲臺何事不書名  
祠前一曲東流水

晝夜奔波鬧不平

題白馬巖

王績

蒼壁半空常見馬  
澄泓十丈鎖藏龍  
紛紛避地無人到  
豈是仙竈不爾容

石罅懸雲乳溜凝  
層層洞穴盡天成  
祇緣地僻遊人少  
龍隱諸巖浪得名

鬱林道中

陳鴻

茫茫新水拍沙堤  
四月應無杜宇啼  
記得驛程來日路

五千餘里鬱林西

送汪倅之梧州

黃惟楫

春深瘴癘亂烟霏  
漲海南浮驛路微  
解道蒼梧雲影在  
可能早送客帆歸

龍廉孺戶部轉餉關中歸途暫住廣陵便還西粵

二首

范鳳翼

轉餉邊州萬里餘  
歸途擁傳似相如  
怪來紫氣邦關滿  
昨日新停使者車

楚粵猶然天地間  
此行何事慘離顏  
夢君應到潯江上  
遮莫千山與萬山

芙蓉亭

劉澤

芙蓉池上小亭幽  
翠竹青松映碧流  
幸遇太平無事日  
舉盃相對屬賢侯

獻花舖

宦裕南遷瘴海涯  
路逢仙女獻山花  
平泉公子傷春處  
惟有東風吹草芽

紫水流霞

楊于陞

紫氣淋漓映紫微  
檻泉感沸儼通犀  
臨流徒倚時揮麈  
誤認吾家洗墨池

題寒山

寒山一脉遠南流  
絕頂源頭有洞湫  
五月却銷炎火熱  
可能三伏是三秋

題廉石

炎荒之地有寒山  
更有陸公一片石  
朝夕往還唯丈親

米顛下拜我尤癖

從巖口入洞

夢烏子

斗絕穹窿一穴通  
石牀鐘乳鬪玲瓏  
浪遊已透靈仙窟  
不用逢人嘆轉蓬

寄衣

宜山吳某妻鄧氏夫以罪被  
逮赴省鄧以衣寄之作一絕

鄧氏

欲寄寒衣上帝都  
連宵裁剪眼模糊  
可憐寬窄無人試  
淚逐西風灑去途

粵西詩載卷二十四



欽定四庫全書

粵西詩載卷二十五

桂林府通判汪森編

詞

菩薩蠻

桂林  
題別

宋  
李師中

子規啼破城樓月  
畫船曉載笙歌發  
兩岸荔枝紅萬家  
烟雨中  
佳人相對泣  
淚下羅衣濕  
從此信音稀  
嶺南  
無雁飛

定風波

王鞏從東坡遊嘗坐軾黨貶賓州酒稅坡既北歸出侍兒柔奴勸坡酒坡問柔奴嶺

南應是不好柔奴曰此心安處便是吾鄉坡因綴定風波詞

蘇軾

誰羨人間琢玉郎天教乞與點酥娘自作清歌傳皓齒  
風起雲飛炎海變清涼萬里歸來顏愈少笑時猶帶  
嶺梅香試問嶺南應不好却道此心安處是吾鄉

闕

題海棠橋  
祝生宅

秦觀

喚起一聲人悄衾冷夢寒窓曉瘴雨過海棠春色又添  
多少社甕釀成微笑半缺柳瓢共白覺傾倒急投牀

醉鄉廣大人間小

好事近

夢中作

春路雨添花花動一山春色行到小溪深處有黃鸝千  
百飛雲當面化龍蛇天矯轉空碧醉卧古藤陰下了

不知南北

觀自橫州徙雷州放還至藤州夢中作此辭時已病是日偶為客述之因索水水至不能

飲笑視之而卒

驀山溪

至宜州作寄贈陳湘

黃庭堅

稠花亂蕊

一作葉

到處撩人醉林下有孤芳不忽忽成蹊

桃李今年風雨莫送斷腸紅斜枝倚風塵裏不帶塵風  
氣微嗔又喜約略知春味江上一帆愁夢猶尋歌梁  
舞地如今對酒不似那回時書謾一作寫夢來空只有  
相思是

青玉案

至宜州次韻  
上酬七兄

烟中一線來時路極目送歸鴻去第四陽關雲不度山  
胡新疇子規言語正在人愁處憂能損性休朝莫憶  
我當年醉時句舊詩云我自只如常日  
醉滿川風月替人愁渡水穿雲心已

許暮年光景小軒南浦同捲西山雨

西江月

崇寧甲申遇惠洪上人于湘中洪作長短句見贈云大厦吞風吐月小舟坐水眠空

霧窓春色翠如蔥睡起雲濤正擁往事回頭笑處此生彈指聲中玉牋佳句敏驚鴻聞道衡陽

價重次韻酬之時余方謫宜陽而洪歸分寧龍安

月側金盆墮水雁回醉墨書空君詩秀色雨園葱想見  
衲衣寒擁 蟻穴夢魂人世楊花蹤迹風中莫將社燕  
等秋鴻處處春山翠重

虞美人

宜州見梅作

天涯也有江南信，梅破知春近。  
夜闌風細得香遲，不道曉來開遍向南枝。  
玉臺弄粉花應妬，飄到睂心住。  
平生箇裏願盃深，去國十年老盡少年心。

千秋歲

少游得謫嘗夢中作詞云醉卧古藤陰下  
了不知南北竟以元符庚辰死于藤州光

華亭上崇寧甲申庭堅竄宜州道過  
衡陽覽其遺墨始追和其千秋歲詞

苑邊花外記得同朝退，飛騎軋鳴珂。  
碎齊歌雲繞扇，趙舞風回帶嚴鼓。  
斷杯盤狼籍猶相對，灑淚誰能會。  
醉卧藤陰蓋人已去，詞空在兔園高宴。  
悄虎觀英遊改重。

感慨波濤萬頃珠沉海

醉江月

乙未中元自  
柳州過白蓮

趙師俠

曉風清暑映湖光如練山光如染十里荷花香滿路飛  
蓋斜欹粧面一葉扁舟數聲柔櫓陡覺紅塵遠六橋三  
塔恍然圖畫中見因念當日三賢兩山佳處應也經  
行遍琢月吟風無限句景物隨人俱顯賀監風流元真  
清致我亦情非淺漁蓑投老利名何用深羨

浣溪沙

柳州作

王安石

宮纈慳裁翡翠輕  
文犀鬆串水晶明  
颭風新樣稱娉婷  
帶笑緩搖春筓細  
障羞斜映遠山橫  
玉肌無汗暗香清

臨江仙

賀州劉師忠家  
隔簾聽琵琶

風撥鶻絃鳴  
夜永直疑人在潯陽  
輕雲薄霧隔新粧  
但聞兒女語  
倏忽變軒昂  
且看金泥花那面  
指痕微印紅  
柔幾多餘暎  
與真香移船  
猶自可卷箔  
又何妨

卜算子

柳州作



燕尾道冠兒，蟬翼生衫子。欹枕看書，卧北窗、簟展瀟湘。  
水團扇，弄薰風，皓質添涼意。誰與文君作粉，真只此  
蓮花是。

生查子

柳州作

春紗蜂趕梅，宮扇鸞開翅。幾摺聚香風，一撚生秋意。  
搖搖雲母輕，裊裊璫枝細。莫解玉連環，怕作風飛起。

武陵春

藤州江月樓

向 鎬

長記酒醒人散後，風月滿江樓。樓外烟波萬頃秋，高檻

冷颼颼 想見雲鬟香霧濕斜墜玉搔頭兩處相思一  
樣愁休更照廊州

臨江仙

再到  
桂林

瘦損東陽緣底事離愁別恨難禁夜長誰共擁孤衾來  
時青盼在今已二毛侵 流水青山依舊是蘭橈往事  
空尋一番風雨又春深桃花都落盡贏得是清陰

亂後此身何計是翠微深處柴扉即今雙鬢已如絲虛  
名將底用真意在鷓鴣 治國無謀歸去好衡門猶可

栖遲不妨沉醉典春衣  
人生行樂耳須富貴何時

沁園春

送辛幼安弟  
赴桂林官

劉過

天下稼軒文章有弟闕看來遲正三齋盜起兩河民散  
勢傾上國泛泛如卮猛士雲飛狂狃灰滅機會之來人  
共知何為者望桂林西去一騎星馳離筵不用多悲  
喚紅袖佳人分藕絲種萬柑千戶梅花萬里等閒遊戲  
畢竟男兒入幕來南籌邊如北翻覆手高來去慕公餘  
且盡玉簪朱履倩米元暉

沁園春

送孫季蕃弔方漕西歸

劉克莊

歲暮天寒一劍飄然幅巾衣裘儘綠雲烏道躋攀絕頂  
拍天鯨浸笑傲中流疇昔竒君紫髯鐵面生子當如孫  
仲謀爭知道向中年猶未建節封侯南來萬里何求  
因感慨橋公成遠遊嘆名姬駿馬都成昨夢隻雞斗酒  
誰弔新丘天地無情功名有命千古英雄只麼休平生  
客獨羊曇一箇灑淚西州

西江月

韓亨道席上  
次方字若韻

郭應祥

送我匆匆行色賴君袞袞名章德星今夜聚清湘豈羨  
瀛州方丈 賓醉須教主醉更長不怕益長鳳鳴端合  
在朝陽飛詔來從天上

西江月

再遊龍隱窟追  
和陶商翁韻

方信孺

碧洞青崖著雨紅泉白石生寒榻來十日九湖山人笑  
元郎太漫 絕壑偏宜疊鼓夕陽休喚歸鞍茲游未必  
勝驂鸞聊作湘南公案

木蘭花慢

寄桂林通  
判葉夷仲

陳德武

自淮揚別後一回首又窮年嘆蓬逐旋飈葉隨流水星  
散維垣來闕忽聞歸興豈蒼天故意要儲賢雲漫凌司  
馬賦風偏動李膺船梅窓夜月見修妍駿轡憶錢連  
命畫槩溪流籃輿山郭囊錦詩篇休辭歲寒遠道對松  
篁莫憫寂寥邊塵榻誰為我下酒盃惟待君傳

一春看又盡問何日是歸年望五嶺重關九疑疊翠滿  
目藩垣蒼梧幾時艤棹許論文高義仰英賢夜坐殘花  
影月朝盼盡柳陰船天台山水世間妍天姥赤城連

好收拾蘭莊白雲深處詠卜居篇重尋舊遊鶯燕恐無  
心待雁夕陽邊聲迹今猶密邇蠻牋莫厭頻傳

望海潮

二調寄別潯郡曾教  
諭子振李訓導宗深

南官一載西流萬里離懷孰不傷情富貴邯鄲雨雲巫  
峽回頭一夢空驚誰辱又誰榮問昔時道德今日功名  
楚水吳山向來多少送和迎長安古道長亭嘆馬蹄  
不住車轍難停薇老首陽芝深商谷時遙霧擁雲平此  
意已羞評但金緘白雲錦佩青萍採竹崑崙有時吹作

鳳凰鳴

祖觴東館移舟南渡江  
天雲樹離離盤谷漁樵舞  
雲風詠渴心常望雲霓  
知與故人齊念翼殘猶鍛  
足蹶還羈百折江流峽  
猿水鳥助孤棲樂回夢  
遶山西耐疎蓬夜雨驚  
枕晨雞對無聲詩哦有  
聲畫儀形已見端倪回  
首暮雲迷又桐飛金井  
燕落烏衣有意相思雙  
鱗乘羽莫教遲

滿庭芳

有序

明

韓雍



恭審總兵官平江伯陳公志堅胄出簪纓業承韜略  
抱非凡之遠志挺出類之雄才肅將明命已平百粵  
蠻人簡在宸衷復總三軍漕運光價日高于闔外歡  
聲雷動于淮南克繼家聲足當國計是用修詞為賀  
慶衍恭襄賢追莊敏天生一代忠良早膺封拜承命下  
南荒儘展六韜三略收蠻人盡數歸王守家法清貧如  
故四海姓名香 聖明憂國計簡司漕運特授金章總  
水兵百萬作鎮淮陽定纘先公勲業足京儲永固封疆

還擬進六師大帥丹悃佐吾皇

沁園春

送趙掌教先  
生廣西主考

王越

廣右開科遠勞使者來聘先生看燈下朱衣巷中白雪  
寸心公道兩眼光明杜牧當魁劉幾可點山斗尊崇在  
此行好男子擬登春榜允協文衡 故人莫問歸程且  
倚銀瓶酒滿傾正水漲雲深日長天濶槐花雨霽楊柳  
風清小隊紅旗新詞彩帳燕雀驚飛鼓角聲郵亭上殷  
勤把袂不為離情

念奴嬌

登仙奕山作  
和東坡韻

桑悅

龍城老倅覽宇宙了無奇物兩屐秋雲仙奕表好是丹  
崖翠壁誰捲閒峰盡收疊嶂化作紅爐雪眼空一望中  
州多少英傑 慨想今古滔滔長生秘蘊幾人能發劉  
項當年爭氣處數點流螢明滅五岳難尋三山何在搔  
亂麒麟髮歎何時得會羣仙同嚼明月

喜遷鶯

為梧州士大夫送郡  
侯張克修綵帳作

蒼梧雲捲望禹貢星分堯天日遠政事龔黃兵機頗收

天地君侯推選人怨今朝行速又道當初來晚真箇是  
畫樓有雉夜鳴無犬 遷轉接武舊日夔龍平地躋通  
顯整頓三綱調和萬象功業宜昭彤管吟罷風生臺閣  
朝退香浮禁苑人空上大容層嶺大雲絕巘

桃源憶故人

送田州張  
通判赴任

蔣冕

嘉靖五年兩廣撫按官太子少保左都御史慈溪姚  
公監察御史臨川劉君等奏草田州府土官請設流  
官守貳如內地藩憲諸君僉議府通判非全州張同

知華不可蓋以其才幹素著撫處尤宜故也議既定  
將其職名以聞適張力陳有疾不果既而桂林府通  
判梧州府推官皆缺員於是撫按聯疏於朝以華及  
藤縣孫典史懋二人名上懋先任廣東按察副使奉  
勅整飭清遠兵備以誑誤謫官於藤部院臺諫論救  
薦舉前後不知凡幾疏張獲與孫偕薦不可謂偶然  
也疏下吏部時孫已因少師邃菴楊公奏量移弋陽  
桂判梧推皆不果補田州通判之缺遂以張補之與

撫按初意正相合輿論咸以為宜張字子寔德安之隨州人由龍虎衛經歷被薦同知全州在任九年撫按官旌異者四獎勵者十最後交薦遂有今擢觀交薦疏謂其勤慎通敏政譽昭聞久歷年歲備諳土情則其平生居官持身概可見矣子寔累乞休致上官皆不聽其去今被臺檄促之赴任吾鄉士大夫不忍遽與之別也相率求徵贈言予老病不能文聊寔錄薦剡而隳拈小詞二闋以張之子寔在吾州留意學

校凡有修葺皆為經久計橋梁道路多所繕治至于  
逐惡獷歸於故巢以除州民之害為慮尤遠予先凡  
大司徒梅軒先生嘗謂其此舉得江統徙戎之遺意  
有識君子皆趨其言今之往倅田州充其平日所志  
其經畫必有可觀疾驅莅任以副撫按藩憲保薦委  
任之盛心以趁功名之會庶幾不負超擢寵命勿更  
以病辭為一己私便圖可也

十年奔走湘江路手種甘棠無數歲久清陰遍布老稚

蒙遮護 田州郡倅今催赴爭道此來何暮赤子嗷嗷  
待哺兩手勤摩拊

柳梢青

此去荒陬變刀為犢化劍為牛赤子龍蛇荆榛剗盡滿  
眼鋤耰 呻吟盡變歌謳漸衣冠彷彿中州羣黎樂業  
涵濡聖化萬載千秋

臨江仙

送沈太守入覲

吾全州太守沈侯伯誠循例述職京師鄉里大夫士



謂侯以銓試第一人來為吾州守蒞任纔五年巡按御史嘉其賢能而旌薦之已三見於章疏矣方今聖明在御寤寐才賢侯陛見之後銓部既面考其政蹟又據巡按薦章而覆議之以聞于朝或中或外高等之擢可計日俟也吾州之鰥老稚齒安得復蒙侯之惠澤于久遠乎故于侯之將行也莫不悵然惜之相率來論於予欲予以其意載之文詞以著侯之美予老且病不能別有所論譔也就諸大夫士之意而演

填宋人小詞二闕復馬俾以致之於侯明日侯亦詣  
予辭謝不敢當予曰侯勿庸過謙為也前乎侯而  
為守於吾州者非無其人也嘗有御史三人相繼巡  
按而皆旌薦如侯今日者乎非侯政蹟素美其何能  
致此也侯之茲行覲禮既舉果以閭閻疾苦悉意上  
陳如予小詞所云者當路大臣知侯能究心民事使  
侯得終惠吾州之民增秩賜金還侯舊任如漢家故  
事則才賢之擢於朝廷惠澤之覃於黎庶將不兩得

哉既相與言之遂以其言登於綵軸用為侯贈焉

萬里山川來作守敢云地瘠民貧催科撫字兩艱辛窮  
簷茅屋下無事不關身 鳴佩春風趨玉陛九重應賜  
洛詢遐陬民瘼細敷陳願分涓滴水涸轍活枯鱗

謁金門

同上

春入覲白叟黃童爭問惠澤恐難終敝郡吾儕能不恨  
宵旰旁求才俊穹秩崇階無恪去去鵬程看奮迅臺  
省榮登進

浣溪沙

州學師生送沈太守  
朝京兼謝其修學

吾州太守沈侯之入覲于京也予既諾吾鄉士夫之  
請書鄙文小詞以送之矣州學師生復謁予懇懇求  
言謂沈侯自蒞任以來留心學校既修明倫堂與東  
西齋居及諸生學舍煥然一新又以靈星門外兩旁  
牆垣舊用土築者不足為經久計皆用輒易之南北  
數十丈甃砌堅緻先紫山石為基上又覆以瓦既成  
壁立矢直自遠望之宛如城堵觀者蓋莫不嘖嘖稱

歎謂為前此所未有也侯之有功學校如此先生忍  
靳一言不表章之以為後人勸哉予以師生之言義  
不可奪也遂不厭其複書小詞一闕謝侯且以送其  
行云

孔廟門前石作牆明倫修葺似新堂黌宮從此益輝煌  
不是君侯崇教化頽垣壞棟日荒涼采芹誰繼魯人  
章

青玉案

送湯中丞

周用

太微昨夜輝南紀望望樓船渡湘水公作長城真足倚  
新秋離思五雲回首百粵風謠美雙龍宛宛裁黃紙  
霖雨橫施幾千里入奏天顏應有喜蓬萊殿裏鳳凰池  
上早聽尚書履

一叢花

湘南見池上  
梅花作二首

顧璘

東風花發小池邊移種是何年江南舊日看花處更回  
首多少山川聊折一枝瓦瓶斜插惆悵早春天

凌波何處見銖衣池畔月明時春風莫作顛狂態好堪

耐瑤雪歲蕤樓上笛殘隴頭書遠人在楚雲西

訴衷情

桂林徐伯川屢約不至  
有詞見寄作此答之

瑤箋新調寫烏絲字字說相思傳聞幾度來也又盼過  
落花時 停畫舫駐金羈枉參差干天何事伏雨蘭風  
故誤佳期

念奴嬌

湘山懷古

振衣律完洗長空初過一天新雨萬壑千峰爭聳秀猶  
有微雲吞吐撲地閭闔橫江城郭總是閒塵土寺前松

檜讓渠曾見今古 漫說衡嶽巡遊鬱林開拓身後還  
誰主淚竹斑斑空灑血玉輦而今何處水底靈均江邊  
刺史蔓草埋荒宇舉觴浮白竟須爛醉休語

臨江仙

送同寅章樸  
庵出判蒼梧

萬鏜

憶昨秋臺明月夜朱絃共寫焦桐無情却自恨東風翻  
吹成別調離思欲摩空 酒盡沙頭分袂也依依遠樹  
雲籠蒼梧望斷沒飛鴻行人回首處梅雨正空濛

沁園春

賀張靜峰  
總督兩廣

夏言



山入五羊江通八桂仗鉞臨戎正貢篚新來交蠻面革  
樓船纜返黎寇功成栢府丰裁轅門號令南仲威存北  
伐名况一時三移節鎮兩轉中丞大江月白風清佇  
相送旌旄嶺外行念諸葛沉機南人懾服仲淹英略西  
賊聞驚天子中興廟謨神武直挽天河洗甲兵早歸朝  
更將經濟報蒼昇平

浣溪沙

送費推官之嶺南二首

莫厭西南道路長丈夫膂力正方剛之官仍買過家航

桂嶺春烟籠橡榭，鵝溪秋水蔭枕榔。  
憐君青鬢坐黃堂。

宮漏沉沉夏日長，雨餘殿閣晝生涼。  
南風微送苑荷香，草閣拋書携白日，  
竹牀欹枕聽滄浪。夢魂時復到江

鄉

鵲橋仙

送胄子尹興業

崔桐

燈火江城笙歌錦席暫駐，層霄使節曾買燕醪。  
別鳳臺柳條纖那堪又折，桂海雲長梧峰天渺去去。  
雙鳧隔


越好種桃花滿縣香  
舊家聲水清玉潔

玉燭新

贈蕭都憲  
平古田

劉節

太平開盛晏喜鼓吹  
銃歌凱旋忻忭王師  
節鉞應無敵說甚天  
山三箭蠻獠惡獠盡  
翦戮草焚禽獮天聲  
震膽落魂飛何勞轉  
征鏖戰諸公文武全  
才看操縱神機威權  
大展羽書露布遙獻  
捷玉階金殿聖顏歡  
悅頒爵賞倍增恒典  
標姓字銅柱崔巍萬  
年光顯



粵西詩載卷二十五


越好種桃花滿縣香  
舊家聲水清玉潔

玉燭新

贈蕭都憲  
平古田

劉節

太平開盛晏喜鼓吹  
銃歌凱旋忻忻王師  
節鉞應無敵說甚天  
山三箭蠻徭惡獍盡  
翦戮草焚禽獮天聲  
震膽落魂飛何勞轉  
征鏖戰諸公文武全  
才看操縱神機威權  
大展羽書露布遙獻  
捷玉階金殿聖顏歡  
悅頒爵賞倍增恒典  
標姓字銅柱崔巍萬  
年光顯



粵西詩載卷二十五